

**Adami Tanneri E Societate Iesv, S. Theologiæ D. Et In  
Academia Ingolstad. Professoris, Theologiæ Scholasticæ  
Tomus ...**

Cum triplici Indice

De Fide, Spe, Charitate, Ivstitia, Religione, caeterisq[ue] virtutibus [et]  
vitijs: ac varijs hominum statibus. Secvndae Secvundae S. Thomae  
Aqvinatis Respondens

**Tanner, Adam**

**Ingolstadii, 1627**

V. An Iustitia vindicatiua, & œconomica sint distinctæ species Iustitiæ.

---

[urn:nbn:de:hbz:466:1-72877](https://nbn-resolving.de/urn:nbn:de:hbz:466:1-72877)

aut iniuriae quantitas dependet. Quia ratione si contra passum accipiatur, non pro eo quod est reddere, aut pati simile in specie, sed pro eo, quod est reddere aut pati *æquale*, secundum dictamen recte rationis, aut legis, tunc procul dubio contrapassum erit idem, quod iustum; eodemque sensu fortassis intelligi possunt veteres illi, ab Aristotele reprehensi, ut recte notauit Salomon q. 6. a. 4.

Dices; etiam cum iuxta citatum locum Exodi 21. inter æquales, simile in specie damnum patitur nocens, cum eo, quod innocentii prius intulit, neandum videtur constitui æqualitas inter lædenter & Iesum: quia innocens præter damnum, etiam passus est à nocente grauem iniuriam; quæ proinde simili in speciem damno non videtur satis compensari.

Respondeo satis compensati, non præcise per æquale damnum; sed quia id damnum à publico Iustitiae ministro, cum grandi probro & dedecore innocentii infertur; quo fit, ut & damnum innocentii illatum per æquale damnum, & iniuria per probrum compenfetur: securus est in cōpenfatione damni realis, quæ per se loquendo, non publice per Iustitiae publicæ ministrium, sed priuatim, per ipsum lædenter, sine eiusmodi probro, fieri potest & solet; vbi proinde merito plus restituī iubetur, quam acceptum est.

## D V B I V M V.

*Utrū iustitia æconomica, & vindicativa, sint propria & distincta species iustitiae.*

Ad S. Thomam 2.2.q.58.a.7. &amp; q. 51. 22.4.

70 **F**acit hæc res ad intelligendas melius iustitiae species. Et quod ad iustitiam æconomicā attinet, suppono iustitiam æconomicam esse illam, quæ est inter Patrem & filium, virum & vxorem, dominum & seruum: quam proinde etiam solum esse iustitiam secundum quid, docuit S. Thomas hic q. 58.a.7. ut pluribus dictum supra dub. 1. à n. 8. sed an sit aliqua specialis virtus dubitatur.

Prima sententia est, esse unam virtutem quandam specialem, quæ secundum triplicem illam combinationem, bonum totius domus procuret; et si pro diversa combinatione, diversa nomina sortiantur. Significat aperte S. Thomas hic q. 58.a.7. ad 3. vbi ait: *Domestica multitudo secundum philosophum 1. Polit. c. 3. & ult. distinguuntur secundum tres conjugationes, scilicet vxoris & viri, patrii & filii, domini & seruorum: quarum personarum una est quasi aliquid alterius.* Et ideo ad huiusmodi personas non est simpliciter iustitia, sed quedam iustitiae species, scilicet æconomica, ut dicitur in 5. Ethic. cap. 6. & cap. ult. Cui proinde sententia etiam fauet Aristoteles cit. 5. Ethic. 6. & 1. Polit. 3. & 8.

71 Secunda sententia est Gregorij de Valentia q. 2. pun. 2. qui nullam agnoscit specialē virtutem, bonum totius domus per se procurantē; admittit tamen respectu domesticæ multititudinis, iuxta tri-

plicem personarum combinationem, ob diversitatem debiti, ut existimat, valde notabilem, tres virtutes distinctas, quæ late loquèdo nomine iustitiae æconomica affici possint. Prima est pietà inter patrē & filiū: secunda *iustitia coniugalis*, seu æconomica, stricte accepta, inter virū & vxorem: terciā *iustitia herilis* inter dominum & seruum.

Tertia sententia est, Petri Aragonij hic q. 58.a. 7. vbi sentit, nec specialē virtutē esse cōstituendā que per se bonū toti⁹ dom⁹ procuret, ut dicit prima sententia, quam ille vocat falsam, & contra comunē, nec iustitiā illā, qua est inter virū & xorē, dominū & seruū, vllā esse specialē virtutem, ut dixit secunda sententia; sed ad eius munia sufficere, tum legalē iustitiam, tum cæteras virtutes morales, videlicet prudentiam, fidelitatē, observantiam, obedientiam, fortitudinē, temperantiam, pro diuersitate videlicet materia & actionis, quibus bonum domus procurandū est; licet inter patrem & filiū detur specialis virtus, quæ vocatur pietas.

Et hæc sententia videtur cæteris probabilior, quam etiam supposui quæst. præc. du. 7.n.11.8. Tū quia conformis est vulgari virtutum distinctioni, secundum quam communiter, præter pietatem, nulla specialis alia virtus inter personas domesticæ multitudinis constituitur. Tum quia sola pietas habet valde diuersum obligationis fundatum; quod scilicet est, non contractus mutuus, ut inter virum & vxorem; nec lex aliqua ex iriseca iuris gentium, ut inter seruum & dominum; sed ipsa naturalis participatio eiusdem sanguinis, seu naturalis colligatio inter totum & partem. Tum quia alioquin respectu totius domus procuranda, nulla est specialis difficultas, suppositis alijs virtutibus.

Itaque sicut ad debitum iustitiae æconomica per soluendum, in vxore & seruo, sufficiunt obleruantia, fidelitas, & obedientia; ita etiā ad debitum eiusdem soluendum in marito & domino, sufficit cum prudentia, strictior, & quasi gratuiti officiū accessu actius constringens charitas; sicut etiam accedit in Praeceptore, seu confessario, ex charitate hæc officia obentibus: exceptis tamen ijs casib⁹, in quibus cit. dub. 7. & hac quæst. dub. 1. dixi inter eas personas esse iustum, ac iustitiam simpliciter, quæ vtq; est vna specie infima virtus.

Ex quibus etiam sequitur, iustitiam secundum quid non esse certam aliquam speciem iustitiae ab alijs virtutibus distinctam, sed comprehendit sub diuersis alijs virtutibus, ut dictum.

Quod vero ad iustitiae vindicativā spectat, intelligitur ex nomine virtus illa, quæ superiori subditu suo p̄ delictis infert condignā & debitā pœnam.

**ASSERTIO I.** Iustitia vindicativa, ut per eam præcise puniens ordinatur ad delinquentes, cui p̄ delictis velut superior debitam pœnam infligit, ut ita nimis equalitas inter subditum, aliquid contra suam voluntatem patientem, & eundem plus nimio sibi indulgentem, aut etiam alterum iniuriā am passum, licet alioquin nullam iniuriae compensationem experientem, constitutatur; adeoq; simpliciter & absolute loquendo, non est iustitia proprie dicta; sed pars potestialis iustitiae. Ita S. Thomas infra q. 80. a. vñ. & q. 108. a. 2. vbi hoc expresse doce-

docet. Item tradunt Sotus lib. 3. de iustitia quæst. 5. art. 1. ad 3. Salon hic quæst. 61. art. 1. Bannes art. 4. & Molina tom. 1. disp. 12. & in re etiam. Valentia q. 4. punct. 1. licet Aragonius q. 61. a. 1. aliter sentiat.

Probatur assertio. Quia etsi talis iustitia erga delinquentem, aliquem iustitiae, seu distributiu-  
m, seu commutatiua modum & æqualitatem seruet; non tamen id facit per modum debiti, spectantis ad iustitiam commutatiuam, aut distributiua; eo quod nec delinquens, nec puniens secundum se, vllum ius talis iustitiae ad poenam habeant. Quod de delinquentे per se manifestum est; cum habeat voluntatem à poena auersam.

De puniente quoad iustitiam distributiua iti-  
dem clarum, cum nulla hic sit distributio bono-  
rum communium. De iustitia commutatiua ex  
eo probatur, quod nec Index, nec Respublica, cu-  
ius partes iudex puniens subit, vllum ius iustitiae  
commutatiua habeat in delinquentem, ne pec-  
cet, sed solum ius iustitiae legalis; quandoquidem  
peccans, respectu quidem Reipublicæ, & iudicis,  
solum iustitiam legalem violat. Atqui ex viola-  
tione iustitiae legalis præcise nullum nascitur.  
Reipublica ius iustitiae commutatiua, nec etiam  
restitutionis obligatio, vt dicitur quæst. 6. dub.  
1. Ergo satisfactio publica per poenam non est a-  
ctus iustitiae commutatiua, ac proinde nec Index  
aut Respub. ad eam habet ius iustitiae commuta-  
tiua.

Pars autem læsa, tametsi habeat ius aliquod iu-  
stitia commutatiua, tum erga Iudicem, tum erga la-  
damentem; quia tamen id, eiusue compensatio  
in proposto non spectatur, nec etiam à parte  
læsa petitur; sed solum spectatur exequatio poe-  
næ cum culpa ac iniuria alteri illata, non potest  
dici, hac ratione præcise exerceri actum iustitiae  
commutatiua.

**A S S E R T I O II.** Actus iustitiae vindicatiua,  
quatenus exercetur à Iudice ex officio debito,  
tum erga communem, tum erga partem læ-  
sam, id ob sui iniuria compensationem, vel in-  
demnitatem expertem, spectat ad iustitiam  
commutatiua. Significat ex parte S. Thomas  
q. 108. a. 2. ad 1. vbi dicit, punitionem peccato-  
rum, secundum quod pertinet ad publicam iustitiam,  
esse actum iustitiae commutatiua. Et in 3. p. q. 85. a.  
3. ad 3. docet, quod virag. (tam penitentia, quam  
iustitia vindicatiua) sub iustitia commutatiua con-  
tinetur: sicut etiam mox ibidem ad 4. subdit, pa-  
nitentiam esse directe speciem iustitiae. Eandem conclu-  
sionem docent Caietanus ibidem, Aragonius,  
& Salon hic q. 61. a. 1. Bannes a. 4.

Probatur. Quia Index ex officio, & iustitia  
commutatiua, tam erga ipsam Respublicam, quam  
erga personas læsas, quantum nomine pro tali offi-  
cio condignum stipendium accipit, tenetur pro  
loco & tempore, ad condignum poenam delin-  
quentibus inferendam. Idem à posteriori etiam  
ex eo colligitur, quod nisi hoc faciat, tenetur ad  
compensationem damnorum, quæ tum Reipub-  
licæ, tum priuatis ciuibus tali impunitate infer-  
tur, vt suo loco patet.

Tom. III.

Et confirmatur, quia iudex per talem actum, ve-  
ram constituit æqualitatem inter se, ex una parte,  
& Respublicam, partemque læsam ex altera; tan-  
tum nimurum eis persoluens laboris & operæ,  
quantum ratione officij & stipendiij tenetur.

Quanquam Sotus & Valentia loc. cit. putent,  
eiusmodi vindictam, respectu læsi, non habere ra-  
tionem iustitiae coniunctiæ in iudice, quod etiam  
significat S. Thomas q. 108. a. 2. ad 1. vbi addit. vi-  
ndicationem, secundum quod pertinet ad immunitatem ali-  
cuoris personæ singularis, à qua iniuria propulsatur, per-  
tinere ad virtutem (propriam) vindicationis. Sed in-  
telligi potest, iuxta sensum præcedentis conclu-  
sionis; quando non habita ratione boni partis, ex  
debito officio procurandi, sed præcise solum ad  
æqualitatem inter delinquentem & iniuriam pas-  
sum constituentam, vindicta exercetur; ipsa læsa  
parte eandem vindictam non expertente.

**A S S E R T I O III.** Idem quoque actus, vt præcise  
refertur ad bonum communem procurandum, comuni  
debito seu titulo iustitiae legalis, etiā est ad iu-  
stitiae legalis. Videtur ex mente omniū, & colligitur  
ex dictis q. præc. vbi docui, iustitiae legalis primaria,  
& quasi architectonicae etiā esse in principe, se-  
que extendere ad omnia illa officia quæ Princeps  
pro ratione sua potestatis, in utilitate Reipublicæ  
præstat. Et confirmatur. Quia ipsa legislatio in Prin-  
cipe spectat ad iustitiam legalem; Ergo etiā legis-  
latæ vindicatio contra transgressores.

**A S S E R T I O IV.** Iustitia vindicatiua quomodo-  
cunq; accipiatur, non est distincta species iustitiae  
comutatiua. Est contra Caietanum 3. par. q. 85. a.  
3. sed communis aliorum. Et colligitur tum ex S.  
Thoma q. 61. a. 1. debuisse enim alias eius hoc lo-  
co facere mentionē. Tū ex dictis. Quia nimurum  
vindicta sub varijs considerationib⁹ est actus tum  
ipsius iustitiae legalis, tū commutatiua, tū deinde  
etiā peculiaris virtutis à iustitia proprie dicta dis-  
tincta: Ergo sub nulla ratione potest constitu-  
ere distinctam speciem iustitiae proprie dictæ.

Et S. Thomas cit. q. 85. non dicit, nec vult, eam  
contineri sub iustitia commutatiua tanquam spe-  
ciem sub genere: sed intelligit (certa quadam ra-  
tione, vt dictum) sub ea contineri, vt partem quasi  
materialē sub toto; quia vna quædam velut pars  
materialis iustitiae commutatiua est, vt iudex etiā  
per vindictam Reipublicæ & læsa parti reddat ius  
suum, ad modum explicatum.

Quæres, an etiam iusta seu licita vindicatiæ po-  
stulatio possit esse ad iustitiae commutatiua in po-  
stulante, iuxta ea, quæ in materia de charitate q.  
6. du. 1. hac de re dicta sunt. Caietanus q. 108. a. 2.  
dicit, esse actum specialis tantum virtutis. Suarez  
disp. de iustitia Dei sect. 5. à num. 4. & 5. simili-  
citer negat esse actum iustitiae. Aragonius q. 61. a.  
1. vniuersum asserit, actum iustitiae vindicatiua es-  
se actum eliciti ipsius iustitiae commutatiua. Salon  
& Baines loc. cit. vt videbimus, distinguunt.

Respondetur, hoc pendere ex eo, an etiam pe-  
titio seu acceptio debiti in Creditore, vel postula-  
tio priuatæ satisfactionis pro iniuria illata, v. g.  
restitutionis fame extra iudicium sit, aut possit  
esse actus iustitiae commutatiua. Quod negant  
Vasquez 1.2. disp. 95. cap. 8. Suarez loc. citat. eo

quod his actibus non reddatur alteri ius suum, adeoque in ijs deficiat ratio debiti.

Sed Respondetur, non esse quidem eos actus p se iustitiae quasi perfectos & completos; quod solū allata ratio probat: sed tamen quoad affectū esse, si formaliter in ijs intendatur ratio æqualitatis ex debito iustitiae commutativa constituenda ab altero: quia eiusdem rationis ac virtutis est in se ipso velle & exercere hanc rationem æqualitatis, atque eandem velle in altero.

Idem ergo etiam de postulatione vindictæ dicendum, quotiescumque à parte laesa petitur iusta

vindicta, præcise ob cōuenientem & debitā compensationem iniuriae & laisi honoris. Tametsi Salomon & Bañes loc. cit. afferant, eam vindictæ postulationem tunc solum esse actum iustitiae commutatiæ in exigente, quando iniuria laesi in aliorum etiam documentum vergens, remitti non potest, aut alias condigna satisfactio non præstari, quam per sententiam & punitionem Iudicis: quod moraliter quidem eatenus verum est, quia extra hos casus sincero affectu iustitiae peti vix solet vindicta, ut etiam indicat Suarez loc. cit. n. 6. de quo supra de charitate q. 3. dub. r.

### Q V A E S T I O III.

#### De Iudicio priuato, & suspicione.

Sanctus Thomas 2. 2. q. 66. aa 6.



Git quidem S. Thomas q. 60. de Iudicio in genere etiam prout ad Iudicem pertinet; sed quia de hac re peculiaris est locus tractandi cum eodem S. Thoma q. 67. ex instituto hoc loco solum agemus de iudicio priuato; premissa cōmuni ratione & divisione ipsius iudicij.

Quia de causa hæc questio absolvetur tribus dubitationibus. I. Quid, & quotplex sit Iudicium; & quomodo sit actus iustitiae. II. De suspicione seu iudicio priuato, præsertim temerario; & quale sit peccatum. III. An & quaratione dubia sint in meliorem partem interpretanda.

### D V B I V M I.

#### Quid, & quotplex sit Iudicium; & quomodo sit actus iustitiae

Sanctus Thomas 2. 2. quæst. 60. a. 3.

**1** S. Thomas de iudicio velut actu iustitiae acturus, quærit primo, utrum iudicium sit actus iustitiae, & Responder; iudicatu, quæ dicitur seu decernitur iustum, præcipue à iudice, esse actum iustitiae; nō quidem elicitive, sic enim esse actu prudentiae, sed dispositive, ea ratione, qua iudicium rectu in materia castitatis, procedit ex castitate.

**2** Cæterum ut plenius intelligatur, quid sit iudicium, & qua ratione sit actus iustitiae, notandum est I. ex S. Thoma hic q. 60. a. 1. in corpore, & responsive ad 1. iudicium propriæ, & ex ipsa nominis impositione dici, definitione seu determinatione iusti, videlicet quasi dictio iuris, quod est obiectu iustitiae; sicut iudex dicitur quasi ius dicens.

Hinc vero amplicata nominis significatione, generatim deinde omnis recta determinatio, in rebus quibuscumque, seu practicis, seu speculativis, sortita est iudicij nomine. Cum vero utraq; nominis acceptio (vt alias plures omittam, quibus nimis iudicium etiam rem iudicatam, item legem iudicis, ac demum locum iudicij significat) iam sit vulgata, prima solum ad hunc locum pertinet, non secunda.

**3** Notandum II. Iudicium priori illo modo acceptum, triplex distingui posse. Primum illud, quo quis etiam particularis homo, in materia iustitiae, priuatum determinat, quid iustum sit, quidq;

adeo à se ex iustitia faciendum sit, cuius mentionem facit S. Thomas in corpore articuli, & ad 1.

Secundum, quo iudex idipsum publica autoritate determinat, quod quasi per excellentiam & quandam autonomiam iudicium dicitur, iuxta S. Thomam ibidem ad 4.

Tertium, quo priuatus etiam quisque, in particulari tantum materia iustitiae, nempe vbi de exiſtimatione proximo debita agitur, ius suum eidē reddit hoc ipso, quod ita de illo sentit & iudicat, quo modo sentire de illo ex iustitia præscripto debet; de quo sanctus Thomas in hoc quidem articulo explicate mentionem non facit, sed facit tamen in sequentibus; adeo ut indistincte ferre modo de hoc, modo de illo iudicio, nonnumquam etiam generatim de omnibus agat, vt in sequentibus magis patebit.

Notandum III. Quodlibet eiusmodi iudicium à S. Thoma vocari & esse actum iustitiae; sed non eodem modo. Primum enim illud iudicium, per se & proprie non tam est actus iustitiae effectus, seu elicitus, seu imperatus, quam dispositus, & declarat S. Thomas in corpore, & ad 1. & 2. quaten⁹ videlicet imbut⁹ iustitia, facile p intellectu qd iustum sit, videt & determinat; sicut in oī virtutis materia, peculiarē quandā dispositionē, & aptitudinem ad bene iudicandum habet ille,

qui